

KEMUNCULAN YAKJUI DAN MAKJUI (BHG. 1)

Author: [ahmad hasyimi](#)

• Wednesday, March 25th, 2009

ASAL USUL YAKJUI DAN MAKJUI DAN BILANGAN MEREKA

Yakjui dan Makjui adalah berasal dari zuriat Nabi Adam a.s dan Hawa a.s. Mereka lahir dari keturunan Yafith bin Nuh a.s.

Dari Abi Sa'id al-Khudriy r.a dari Rasulullah s.a.w bersabda : ((Allah berfirman kepada Adam (pada hari Kiamat) : Wahai Adam! Adam menjawab : Aku menyahut seruanMu. Firman Allah: Keluarkan (dari zuriatmu) rombongan ke neraka. Adam bertanya: “Apakah rombongan (penghuni) neraka?” Allah berfirman : “Dari setiap satu ribu, sembilan ratus sembilan puluh sembilan” Maka di saat itu berubalah anak-anak kecil, gugurlah bayi dalam kandungan dan kamu melihat manusia seakan-akan mabuk padahal mereka tidak mabuk akan tetapi azab Allah sangatlah keras.)) Para sahabat lantas bertanya : “Siapakah di kalangan kami yang termasuk dalam bilangan satu tersebut? Rasulullah s.a.w menjawab : ((Bergembiralah, bahawa sesungguhnya (rombongan penghuni neraka itu) satunya dari kalangan kamu dan sembilan ratus sembilan puluh sembilan dari kalangan Yakjui dan Makjui)) Riwayat Bukhari

BEBERAPA SIFAT YAKJUI DAN MAKJUI

Rasulullah s.a.w bersabda: ((Kamu semua berkata : Tiada (sudah) musuh, dan sesungguhnya kamu akan sentiasa memerangi musuh sehingga datang Yakjui dan Makjui; lebar wajahnya, kecil (sepet) matanya, rambutnya tidak begitu hitam (berubah warnanya) ; dari setiap tanah tinggi mereka turun dengan lajunya ; seakan-akan wajah mereka perisai yang ditempa)). Riwayat Ahmad

Ada lagi beberapa sifat yang disebut di dalam hadis antaranya : Hidungnya kemek, memakai kasut dari bulu dan hampir-hampir menyerupai bangsa Turki Monggol.

BENTENG ZULQARNAIN DAN YAKJUI DAN MAKJUI

Dalam Surah Al-Kahfi Allah s.w.t berfirman :

92. kemudian ia berpatah balik menurut jalan Yang lain.

93. sehingga apabila ia sampai di antara dua gunung, ia dapati di sisiNya satu kaum Yang hampir-hampir mereka tidak dapat memahami perkataan.

94. mereka berkata: “Wahai Zulkarnain, Sesungguhnya kaum Yakjui dan Makjui sentiasa melakukan kerosakan di bumi; oleh itu, setujukah kiranya Kami menentukan sejumlah bayaran kepadamu (dari hasil pendapatan kami) Dengan syarat Engkau membina sebuah tembok di antara Kami Dengan mereka?”

95. Dia menjawab: “(kekuasaan dan kekayaan) Yang Tuhanku jadikan daku menguasainya, lebih baik (dari bayaran kamu); oleh itu bantulah daku Dengan tenaga (kamu beramai-ramai) Aku akan bina antara kamu Dengan mereka sebuah tembok penutup Yang kukuh.

96. bawalah kepadaKu ketul-ketul besi”; sehingga apabila ia terkumpul separas tingginya menutup lapangan antara dua Gunung itu, ddia pun perintahkan mereka membakarnya Dengan berkata: “Tiuplah Dengan alat-alat kamu” sehingga apabila ia menjadikannya merah menyala seperti api, berkatalah dia: “Bawalah tembaga cair supaya Aku tuangkan atasnya”.

97. maka mereka tidak dapat memanjat tembok itu, dan mereka juga tidak dapat menebuknya.

98. (setelah itu) berkatalah Zulkarnain: “Ini ialah suatu rahmat dari Tuhanku; Dalam pada itu, apabila sampai janji Tuhanku, Dia akan menjadikan tembok itu hancur lebur, dan adalah janji Tuhanku itu benar”.

99. dan Kami biarkan mereka pada hari itu (keluar beramai-ramai) bercampur-baur antara satu Dengan Yang lain; dan (kemudiannya) akan ditiup sangkakala, lalu Kami himpulkan makhluk-makhluk seluruhnya di padang Mahsyar.